

尚湖雅志



漢書門
九七八七
二四一三
冊架函號類

內閣文庫
九七八七
三〇八四
冊架函號類

雅志

內閣文庫
番號 漢 9787
冊數 24 (1)
函號 308 122

一上

308-122



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




乾隆戊申重鐫


蕭山來元成先生纂輯

倘湖樵書


慎儉堂藏板



倘湖樵書序



淺草文庫



幼時讀野客叢書而好之遂效之作
說麻十二卷以未能博哲棄去既又
為雜記其耳目所見聞者亦不就
時傭書長河間嘗訪元成先生聽先

251-808

生譚議每舉一事必批根尋源窮
流末然後以漸互引依顛此見今古
事與今事而串穿之為之指其異同
而折其是非然且宛轉觸發左右旁
及條然如說家人事如按驢官府
交讀如自訴肌膜所痛癢如數壯貝

其聽之輒為之爽然者累日而措乎
舍之游而不能盡聞其談者且二十
年也今年夏在京師旅邸移讀先寸
所為文竊悟先寸以如是之學中
難舉所聞所識之編之談之乃未幾
而果以所著名樵書貽予論叙予受

而讀之。一也。當日所談議者。書及為
干編。若干卷。不分部。顛門目。而任
取。顛之。牛一目之內。臚其事。可
相與者。鱗。亦。擲。比。凡。夫。鳧。毛。龍。鱗。集
與。牛。鐸。畢。列。其。和。干。而。附。于。盡。變。使
讀。之。者。時。而。頤。解。時。而。首。肯。時。而。心

開。而。意。釋。時。而。舌。橋。坐。不。能。下。時。而
低。省。決。背。拱。手。躅。足。夫。作。祇。不。以。讀
有。千。卷。故。張。華。讀。書。函。三。十。車。而。其
後。作。博。物。志。僅。存。十。卷。左。思。窮。搜。討
之。力。遨。遊。十。稔。而。其。所。為。文。不。過。三
賦。先生。弄。書。重。卷。三。克。物。上。不。凡。徠

閱畧思加之以時賢之論述近事之
睹記參互律律今咸斯編記所稱博
學無方又曰傷有傳學而不窮殆謂
是與考之稗官著作原有二家一則
集事以資用一則考義以資辨故黃
覽類苑之後在唐時名臣集群書此

堂作及事資而白傳列陶家餅于書
楹區系門目集以記以資六科試帖
之用名曰占帖此皆集事資用以自
如而王仲壬修論衡則實創為考覈
駁辨之文以助談議故後世為稗官
家者雜記之外復有論說如筆談叢

書隨筆及議諸書亦可為談議所藉
如所考義資辨者而為書並而有
之顯事而無方比義以廣異此誠代
山之能事折竹所未逮也予色風推
多識者三人一老二溥博一蔡五十
一子伯其一則先生也予之事包蔡

而先生以信年長志氣之交將自
廁載汝問字之列乃蹤跡就老包二
且久逝今山歸然者獨先生與伯耳

今

天子方獨文章昭回飾物徵天下博
聞強識之士以是著作既已啟趣先
生聖帛到門而先生以年老為子

方悔先生之謝不能朝夕吟談議而
獨是宵燭餘光既膺照曜度歲如晷
時、著雜說為筋力耗頓、不可得夫
睹是編而不恨十年、不讀書者寡矣
時

康熙二十二年十月同邑西河後

學年奇齡頓首相誤并書



三

六

自序

誦孔明讀書觀大言陶淵
明化五柳先生傳自云好讀書
不求甚解此二人其所以志
人物之毛豈不可垂為後世
讀書之



魏公也一公熱業鼎盛色取志高
若曰進用之妙存乎一心尋言摘
句有所未通可一以恬淡清雅
勇於正毅若曰子將隱去為
用文之化森魚森在持文字留

何以一枕夢之且其予不禁身傳
先君子讀之元不窺用每遇古
之執事輒命探索之探索而得
分論然辨的肩宇能勤探索
之而子乃以快問界曰竊長悅

疲如是者習以物考之至无然奇
子柔之心靡刻有忌遇未見之
少可共衣不吝和冕盡錄必速
終卷而後快亦不自知其所以
然也大學列八條用之忽東一以

一語曰壹是足以備子為本世元
聖矣有禮有用之學子不令後世
忘其言誠之教乃文五以色而益馳
毫有講誠正致極以資有為
不一不同功有淺深之互柔松推

豎拂恍、惚、之、來、所、歸、不、可、究
詰、徇、于、備、方、以、見、法、以、予、情、法
來、茲、所、謂、二、學、上、達、知、象、主、元
氣、然、八、條、目、免、言、首、之、以、物、格、而
後、也、而、以、格、物、之、最、先、物、是、大、極

備、方、乃、大、禮、大、用、之、學、而、格、物、也
其、禮、其、用、一、學、朱、紫、傷、友、子、補、格、物
致、心、一、而、而、曰、心、一、靈、是、不、有、心、而、不
一、物、是、不、有、理、惟、于、理、有、未、窮、故
无、心、有、不、是、此、教、語、者、破、混、沌

之寂而見天地之心死之不可極也
有極不可極者亦倦有極不可極者
於其可極者極則神會既相化
之者又解之者恍悟等子志之上于
至不可極者而亦極其極之乃為則

必上窮於極而後黃淵而極一審以血
亦直貫古之而始為一種存而不論
之出形亦又能自終自始而用也
略有美焉焉身文孔明出師一表
助澤以來推而第一文字淵明物

自序
号一陆六物以来推为第一又字无
胸中云篆炳然如口中气而凡友一物
与理不迫繁至错于一往洞贯故
肺腑中流出大文章凡雕镂繁
慨者可尊第一此所以後王为

古之第一流人物也众物之表裏
精萃环抱不至五口以之全禮大用
豈不的斯为真儒妙为实学不
可借彼第一流人物或志於色或志
於正而以不米世躬所親大言者


為以實也熱走二孺成序此語
以示沈筆須乞吾信志學自有
中是句爾深本不可敵其煩亦
可逐其沫即物而寤其理乃可
又盤矣為徒耳郭清狂之詩

曰市城誰念青山瘦
為日耐頰
不斷烟青山瘦
乞而薪
想樵
蘇不已世乃心
為形役
了老如馳
泊于莖垢
糠枇而示
乞色手
伐柯伐柯
王所不遠
志若洗

心以臣耗于春也時

康熙壬戌十月來集自被於

蕭山堂



倘湖樵書初編卷之一目錄

蕭山毛奇齡大可氏論定

蕭山來集之元成父纂輯

論經

誦聖經之益

士大夫居鄉

草木各物仰遵朝旨

忠義強直

正人之後便宜

雁臣鳩婦

功業忠節

南北士有定限

雪不為瑞霧霜不為毒

竹實桂實萍實松實菊實芝實

珍寶之樹

草木雌雄

各物雌雄

鳥之胎生人與獸之卵生

鏡光有所借

金寶天降地出

洗桐洗竹

附洗水

夢想

遺像靈異

樹蔭


牛思黯之女

義虎

求賢之像求賢之夢

諸物皆有鬼

世風



倘湖樵書初編卷之一

蕭山來集之元成父纂輯

論經

先儒論經燦然明白如指掌雖或更有考定而不可
游移者亦令後儒讀之而一快也周易雜卦皆兩兩
相從而明相反之義大過至夬八卦則否蓋傳者之
失也東坡始正之云願養正也大過顛也垢遇也柔
遇剛也夬決也剛決柔也君子道長小人道憂也漸

女歸待男行也歸妹女之終也既濟定也未濟男之窮也尚書洪範四五紀一節後便合繼以王省惟歲庶民惟星二節乃接五皇極耳井觀瑣言尚書詞語聲牙蓋當時宗廟朝廷著述之體用此一種與古文字其餘記錄答問之詞其文體又自尋常如左氏內外傳文雖記西周諫諍之詞亦皆不甚艱深至載襄王命管仲受享與命晉文公之辭靈王命齊靈公景王追命衛襄公敬王使單平公對衛莊公使者之言魯哀公誅孔子詞其文便佶屈如書禮記文亦不艱深至載衛孔悝鼎銘便佶屈凡古器物諸款識之類其體皆如此又如左氏記秦穆公語皆明白如常及觀書秦誓文便自奧古至漢齊王閔燕王旦廣陵王胥諸封策尚用此體他文却不然予嘗疑孟子父母使舜完廩一段是古逸書之辭其文甚似唐語林云文宗時工部尚書陳商立左氏學議以孔子修經褒貶善惡類例分明法家流也左丘明爲魯史載述時政懼善惡失墜以日繫月本非扶助聖言緣飾經旨蓋太史氏之流也舉之春秋則明白有實

合之左氏則叢雜無徵杜元凱不思孔子所以爲經
當與詩書周易等列丘明所以爲史當與司馬遷班
固等列二義不侔乃叅而貫之故徵旨有所未盡婉
意有所未一也 傅子駿云洪範無偏無黨王道蕩
蕩無黨無偏王道平平無反無側王道正直會其有
極歸其有極八句蓋古帝王相傳以爲大訓非箕子
語也至曰皇極之敷言以曰字發之則箕子語 野
客叢書云禮運孔子曰我欲觀夏道是故之杞而不
足徵也吾得夏時焉我欲觀殷道是故之宋而不足
徵也吾得坤乾焉讀此知論語夏禮吾能言之杞不
足徵也殷禮吾能言之宋不足徵也該于之字上點
句 推篷寤語云論語兩孟人人盡讀亦有承襲之
誤者如論語羿善射彘盪舟俱不得其死爲句不當
如由也不得其死然例併以然字屬上句蓋由也未
然而羿彘則已然也如孟子馮婦章卒爲善爲句士
則之又爲句不當以卒爲善士爲句而以則字屬下
不成文字 宋程棨三柳軒雜識云論語凡稱或者
其所言皆無可取如或謂孔子曰子奚不爲政或問

禘之說或曰孰謂鄒人之子知禮乎或曰管仲儉乎
雲麓漫抄云禮記問人之年若二十則曰弱冠蓋
不習句讀將兩句作一句讀了夫人生十年曰幼學
亦兩句讀論年則幼在禮則當學矣二十曰弱冠年
雖弱在禮則當冠矣三十始壯在禮則有室矣四十
曰強而仕矣五十曰艾在禮則服官政矣六十曰耆
在禮可以指使矣七十曰老而傳八十九十日耄在
禮不加刑矣皆當作兩句點今人並作一句點誤矣

誦聖經之益

後漢書朱臯爲隴右刺史患涼州多寇叛欲多寫孝
經令家習之庶幾使人知義蓋勳力諫臯不從遂奏
行之詔書詰責坐以虛慢 又向栩爲侍中侃然正
色百官憚之會張角作亂栩上便宜頗譏刺左右不
欲國家興兵但遣將河上北向誦孝經賊當自消滅
中常侍張讓讒栩謂不欲出師疑與角同心欲爲內
應收黃門北寺獄殺之此二事皆空言而未見實效
者也 風俗通武帝迷于鬼神尤信越巫董仲舒數

以爲言帝驗其道令巫詛仲舒仲舒朝服南面誦咏
經論不能傷害而巫者忽死 後漢書公沙穆家貧
力學嘗居建成山依林阻爲室獨宿無侶一夕忽暴
風震雷有聲自外呼穆者三穆不應頃之呼者自牖
入音狀甚怪穆誦經自若恬勿顧妖亦尋滅 又包
咸會稽曲阿人習魯詩論語王莽末去歸鄉里于東
海界爲赤眉賊所得遂見拘執十餘日咸日夜誦經
自若賊異而遣之 又張楷字公超好學隱居弘農
山中學者隨之所居成市華陰山南遂有公超市性
好道術能作五里霧時關西人裴優亦能爲三里霧
自以不如楷從學之楷避不肯見桓帝卽位優遂行
霧作賊事覺被考引楷言從學術楷坐繫廷尉詔獄
積二年恒諷誦經籍作尚書注後以事無驗見原還
家 江西通志云江夢孫字聿修德安人家世業儒
博綜經史孝弟高潔爲江都令先是縣廳每有祟禍
泣政者每遷于別廳夢孫下車輒升廳受賀向夜具
袍笏端坐誦易一遍怪息 說願云北齊權會任助
教嘗夜獨乘驢出城東門鐘漏已盡有一人牽頭一

人隨後有異生人漸漸失路不由本道會心怪之誦
易經上篇一卷未盡前二人忽然離散 吳均齊春
秋云顧歡字元平吳郡人也隱於會稽山陰白石村
歡率性仁愛素有道風或以禳厭而多所全護有病
邪者以問歡歡曰君家有書乎曰惟有孝經歡曰可
取置病人枕邊恭敬之當自差如其言果愈問其故
曰善禳惡正勝邪 南史陳徐陵子份性孝悌陵嘗
疾篤份燒香泣涕跪誦孝經日夜不息如是者累日
陵疾豁然 龍城錄云唐初有孝子王漸作孝經義

成十卷事亦該備而漸性鄙朴凡鄉里有鬪訟漸乃
卽詣門高聲誦義一卷反爲慚謝後有病者卽請漸
來誦書尋亦得愈 文用昭云唐碑豫章太守下教
築水門有物輒壞之禱神而見夢曰可求江心石亭
長老如言以請長老曰法不當言言則無石亭矣守
強之乃曰龍王子恒夜入是門適東湖聽徐孺子說
詩爾經之能動物如此 五代史周世宗時石昂之
父不喜佛昂于柩前誦尚書云此吾先人之所欲聞
也 儒林公議云馬元儒學精深名齊孫奭居喪不

為佛事但誦孝經而已時人稱其頷篤 老學菴筆
 記云曾文清夙興誦論語一篇終身未嘗廢 名賢
 錄又云宋昌化人章樵嘉定元年進士歷海州高郵
 山陽教官習知海徼事再上時相書力陳李全必反
 劉瑄可任重後全果亂郡縣多被禍樵率諸生盛服
 坐堂上講誦賊至斂刃而退 兩浙名賢錄云平陽
 章永事母誠謹母卒執喪如禮俗飯佛老為冥資永
 獨晨昏跪誦孝經曰此聖人所以教孝者 獨異志
 傅奕不信佛法唐高祖時有西域胡僧能口吐火以

威脅眾奕對高祖曰此胡法不足信若火能燒臣即
 為聖者高祖試之立胡僧于殿西奕于殿東乃令胡
 僧作法于是跳躍禁咒火出僧口直觸奕奕端笏曰
 乾元亨利貞邪不干正由是火返焰燒僧立死 陳
 書岑之敬淳謹有孝行五歲讀孝經必焚香正坐
 一統志云唐韋景駿為貴鄉令有母子相訟景駿曰
 教之不孚令之罪也因嗚咽流涕付授孝經使習大
 義于是母子感悟 東漢周磐字堅伯曰命終日桐
 棺足周身外槨足周棺斂形懸封深衣幅巾寫堯典

一篇置棺前示不忘聖道 金罍子云吾之亡可以

一卷孝經一帙老子陶華陽劍一口自隨外此珠玉

不入銅錫勿求田園讓求葬西門豹側杜元凱求葬

祭仲冢邊曹子臧求葬蘧伯玉側梁伯鸞求葬要離

塚旁此四子者異乎吾之意也 魏田豫字國讓

舊唐書蕭德言博涉經史尤精左氏春秋好屬文晚

年尤篤志于學自晝逮夜晷無休倦每欲開五經必

束帶盥濯危坐對之妻子候間請曰終日如是毋乃

勞乎德言曰吾敬先聖之言豈憚如此 東觀漢記

尚書令王允奏曰太史令王立說孝經六隱事能消

却奸邪常以良日允與立入為獻帝誦孝經一章以

丈一竹簞畫九宮其上隨日時入焉

士大夫居鄉

金罍子云杜密潁川陽城人也去官還家每謁守令
多所陳托同郡劉勝亦自蜀郡告歸鄉里閉門掃軌
無所干及太守王昱謂密曰劉季陵清高士公卿多
舉之者密知昱激已對曰劉勝位爲大夫見禮上賓
而知善不薦聞惡無言隱情惜已自同寒蟬此罪人
也今志義力行之賢而密達之違道失節之士而密
糾之使明府賞罰得中令聞休揚不亦萬分之一乎
昱慚服待之彌厚守溪筆記云王竑李秉俱號一時

名臣及二人俱致仕居鄉竝高自標岸非其人不與
交乘出入閭巷每與市井人對奕終日不倦竝曰李
執中朝廷大臣而與閭巷小人遊戲何自輕之甚乘
曰所謂大臣者豈能常爲之在朝在鄉固自不同何
至以官驕鄉人哉其不同如此夫士大夫旣已脫簪
冕而樂山林或侃侃而陳郡邑之得失或沉默而養
晦以全高或平易而講親友鄉隣之誼或高岸以養
遺簪舊履之望斯亦各行其是毋相碍也余行之說
顧云竇正固漢隱帝相也周世罷政以司徒就第後

歸洛陽常與編戶課役正固不能堪訴于留守向拱
拱不聽宋熙寧初富鄭公爲相神宗嘗對大臣稱河
南守李中師治狀公以中師厚結中人因對曰陛下
何從知之中師銜其沮已及再尹富公已老乃籍其
戶令出免役錢與富民埒虎鼠雲泥變幻不常正固
不能堪於課役而訴之留守則其學力之未至也富
鄭公未見因籍戶而有所動心則亦賢已若夏忠愍
公言初時免相與野老爭席曰君業降爲平民何得
高大于吾公不能堪遂經營再相而大禍隨之蓋無

學問以容忍之也豈盡由天運哉 世範云士大夫
居家能思居官之時則不至干請把持而撓時政居
官能思居家之時則不至狠愎暴恣而貽人怨不能
回思者皆是也故現在官每每稱寄居官之可惡寄
居官亦多談現在官之不躋併與其善者而掩之
讀書鏡司馬溫公爲西京留臺每出前驅不過三節
後官宮祠乘馬或不張蓋自持扇障日程伊川謂曰
公出無從騎市人或不識有未便者公曰某惟求人
不識耳 又陳履常居都下踰年未嘗一至貴人之

門章子厚欲一見終不可得范文正公旣退居有園
地在京師無貴賤皆以野服見之故人或爲具召雖
權貴不拒也大抵處權貴之道在朝則踪跡宜疎遠
所以避嫌在鄉則交際宜往來所以敦舊 聽雨記
談卿大夫居鄉皆謙退從厚曰鄉黨莫如齒考之禮
一命齒於鄉再命齒於族三命不齒於族此貴貴之
義予謂鄉之縉紳同輩序齒可也苟非其人以齒尊
之不幾失禮乎藍田呂氏鄉約曰非士類者不以齒

草木各物仰遵朝旨

束鹿縣有傾井相傳漢光武狗師河北歷此三軍渴甚遇井苦無汲具光武下令可用手扳之井忽傾倒水溢今磚甃傾斜勢同隧道是也邯鄲縣亦有扳倒井亦傳光武破王郎時三軍渴而扳倒者 名勝記萬阜縣有龍柏在縣之下生寺相傳漢光武繫馬鞭於上故樹枝宛成龍形 金樓子云梁武帝每拜山陵涕淚所洒松爲變色 卓異記云天授二年臘月卿相詐稱上苑花開請幸則天許之乃遣使宣詔曰

木書存續 卷之一 十三
明朝遊上苑火速報春知花須連夜發莫待曉風吹
於是明晨名花瑞草皆發羣臣咸服其異 獨異志
云唐中宗爲天后廢于房陵仰天而嘆因拋一石于
雲中視之曰我當爲帝卽此石不落遂爲樹枝閣之
至今猶存 錫鼓錄云唐玄宗天縱知音凡管絃必
造其妙尤愛羯鼓常云八音之領袖諸樂不可爲比
常遇二月初詣日巾櫛方畢時宿雨初晴景色明麗
小殿內庭柳杏將吐覩而嘆曰對此景物可不與他
判斷之乎左右相目將命備酒獨高力士遣取羯鼓

上臨軒縱擊一曲曲名春光好上自製也神思自得
及顧柳杏皆已發拆指而笑謂嬪嬙內官曰此一事
不喚我作天公可乎皆呼萬歲又製秋風高每至秋
空迥徹纖翳不起卽奏之必遠風徐來庭葉徐下
宋史載清河縣西十里龍王堂右有古槐一枝似龍
形枝榦拳曲下垂至地若龍爪狀時人謂之龍爪樹
太祖微時避暑其下解衣覆其上性遂下生有利其
材而伐之斧斤方加疾作而止 名勝志云四川廣
安州秀平山昔有石土地像宋太祖以筆點此山立

軍治其像卽自墜云 話諛云宋真宗朝寢殿側有
一古檜秀茂不羣名御愛檜然橫礙殿簷真宗意欲
去之一夕風雷轉摺其枝時以爲瑞 宋冀公王欽
若新喻人嘗代真宗郊祀回上問卿家何積累乃有
今日對日術者言臣祖墳佳上令圖以進諛曰通濟
橋下水朝流世代出公侯睦宦橋下水來衝分土作
三公上乃舉筆引水出墳前曰水何不從此去明年
水決遂罷相 春渚紀聞云元豐間朝廷問罪西夏
五路舉兵秦鳳路圖上師行營憇形便之次至關嶺

有秦時柏一株雖質幹不枯而枝葉畧無存者旣標
圖間裕陵披圖顧問左右偶御筆點其枝間而嘆其
閱歲之久也後郡奏秦朝柏忽復一枝再榮殿中有
記謂天人降筆所加回枯起死便同雨露之施 墨
莊謾錄云禁中舊有鴨脚子四本俗謂銀杏大皆合
抱其三在翠芳亭之北歲收實至數斛而所託陰隘
無可臨賞之所其一在大清樓之東得地顯敞可以
就賞而未嘗著花也裕陵嘗臨觀而興嘆以爲事有
不能適人意者如此越明年一枝遂花而結實至十

餘瑩大可愛裕陵大悅命宴大清樓賞之分賜禁從
有差 名山記云四明山上有雙石如筍高數丈有
杜鵑花叢生其頂春時爛若雲錦宋時每遇過密之
時輒三年不榮范鎮詩鼎湖龍去蒼髯斷三載叢花
不記春又齊唐記宋太祖太宗真宗過密之時花枯
癭三載上虞志又謂仁宗崩三年不榮高宗崩花忽
變白孝宗崩三年若枯既而復茂 宋紹興中皇甫
履賜隱廬山高宗名其所居曰清虛庵光宗在東宮
日嘗問履山中所乏履曰但水差遠光宗因大書神

泉二字賜遺之云持歸隨意鑿一泉履歸于庵側穿
一小井方施畚鍤而泉已湧 景物畧云昌平州駐
蹕山因金章宗駐蹕而名章宗于此下觀野燎而獵
召其酋長大人擊毬俄而自擊自賞嘆曰美乎哉無
人見之須臾石羣起若觀章宗益自喜灌以酪故石
頂至今白存 庚巳篇云高皇初起太學臨觀之顧
學制宏麗意甚悅行至廣業堂前偶發一言云天下
有福兒郎應得居此迄今學生居此堂者往往占魁
選躋位通顯他所不及也上見蛛布網屋隅曰我暫

造屋爾輒據之耶顧呵之語訖而蛛遂絕 高皇帝
自將兵十萬取婺州過蘭溪見古柏甚奇駐師其下
有方姓老人拜伏曰此 聖天子也喜之贈以詩箋
令得遊天下柏後剏亭遶之而空其中夜半人望之
輒有蒼龍繞伏其上王世懋詩云何年古柏尚青青
知是 高皇玉輦停不信聖恩偏雨露枝枝都作老
龍形 又北平平坡寺弘治年間勅建曰大圓通寺
憲宗駕幸之見金剛面正黑上笑曰似火裏金剛
一夕火起金剛毀焉

忠義強直

人臣當更革之際一往而死無容再計若舍舊迎新
未免依阿卑遜乃有忠義強直不畏死而反得不死
者往往而然晉書初呂光欲立呂弘爲太子會聞呂
紹在仇池乃止弘由是有憾于紹密告呂纂以主上
闇弱當遠追廢昌邑王之義纂于是夜率壯士數百
人踰北城攻廣夏門左衛齊從守融明觀逆問之曰
誰也衆曰太原公從曰國有大故主上新立太原公
行不由道夜入禁城將爲亂耶因抽劍直砍纂中額

纂左右擒之纂曰義士也勿殺纂僭卽位諡紹爲隱
王謂齊從曰卿前砍我一何甚也從泣曰隱王先帝
所立陛下雖應天順時而微心未達惟恐陛下不死
何謂甚也纂嘉其忠善遇之 魏徵本傳徵見秦王
功高陰勸太子早爲計太子敗王責徵曰爾閱我兄
弟奈何答曰太子早從徵言不死今日之難王器其
直 唐語林云馮立有武藝略涉書記事隱太子太
子誅左右悉逃散立歎曰豈有生受其恩而逃其難
乃率兵犯玄武門殺將軍敬君弘謂其徒曰微以報


太子矣解兵而遜俄來請罪太宗數之曰汝間構我
骨肉復出兵來戰殺我將士汝罪大何所逃死對曰
屈身事主其于効命當戰之日無所顧憚因歛歔悲
不自勝太宗宥之立謂其所親曰逢莫大之恩終當
以死奉答俄突厥至便橋立率數百人力戰殺獲甚
衆太宗嘉嘆出牧南海以清節著 大唐新語云武
德四年王世充平後其行臺僕射蘇長以漢南歸順
高祖責其後服長稽首曰自古帝王受命爲逐鹿之
喻一人得之萬夫歛手豈有獲鹿之後忿同獵之徒

問爭肉之罪也高祖與之有舊遂笑而釋之 屈突
仲通隋煬帝所任留鎮長安義師既濟河通將兵至
潼關以禦義師遂爲劉文靖所敗通至歸東都不顧
家屬文靖遣通子壽往喻之通曰昔與汝爲父子今
爲仇讐命左右射之乃下馬東嚮哭曰臣力屈兵散
不負陛下天地鬼神照臣此心洎見高祖高祖曰何
見之晚也通泣曰不能盡人臣之節于此奉見爲本
朝之羞以愧王高祖曰忠臣也以爲兵部尚書 盧
絳字晉卿宜春人入南唐後主極陳備禦策復請樞

密陳喬獻書喬異之表署本院承旨累遷松江都署
宋平金陵諸郡皆下絳獨不順久之乃降宋太祖問
何久不降對曰臣知事李氏而已太祖義之 江西
通志云劉茂中安福人仕南唐以功授吉州兵馬監
押遷袁州刺史宋平江南太祖問茂中曰卿在江南
屢擾邊邑何也茂中對曰臣結髮事主惟忠勇是奮
雖陛下親征臣亦隕身不顧太祖壯之授登州刺史
宋史張洎初事李煜于江南王師南討猶勸煜勿
降已歸朝太祖責之曰汝教煜不降使至今日因出

帛書示之乃圍城日洎所草召上江救兵蠟丸書也
洎頓首曰實臣所爲然大吠非主此特其一耳他尚
多有上壯而釋之 閩書吳舉字太冲永興人學春
秋通三傳五代時仕李煜爲彭澤簿曹彬下江南時
彭澤令以城降舉責令曰吾能爲李氏死耳乃共殺
使者爲煜守煜已降舉被執送軍中主將責以殺使
者舉曰固當如是耳此時仕煜者皆隨煜入朝舉棄
去不顧太平興國二年詔求李氏故吏 備遺錄云
靖難兵迫金陵寧波知府王璉方造船航海勤王爲

軍衛縛送至京文皇問造舟何爲對曰由海趨瓜州
以截來路耳上義而釋之 朝野記畧建文時都指
揮平保兒聞變南奔建文命提兵守徐州文皇至金
川門平還守禦遂拒戰平善鎗鎗及御衣當脇洞數
重而過俄而平騎忽蹶平嘆曰真命天子也遂就擒
繫于軍其日上駐蹕于鼓樓翼日克城上卽位又明
日召平問之曰汝前日馬不蹶將如何對曰若鎗及
膚則無今日矣臣欲生得陛下故止穿衣耳上曰父
皇養如許人止得此乃令守北平



正人之後便宜

菽園雜記云范希榮者文正公之裔孫嘗與他商行
 貨道遇暴客見其姿美問之曰汝非秀才乎曰然吾
 本范文正公之後暴客曰好人子息也凡舟中之物
 悉令認留不取而去 元遺山壬辰雜編云安平都
 尉完顏斜烈嘗鎮商州偶搜伏於竹林中得歐陽文
 忠公子孫甚多以歐公之故并其族屬鄉里三千餘
 人悉縱遣之 畫墁錄云熙寧末唐魏鄭公裔孫魏
 嚴所藏魏公像有免車牛狀一紙本縣判云魏公唐

室勲賢名傳青史既是簪纓之後難與百姓雷同其
車牛特免 全唐詩話白居易爲翰林學士奏云今
日奉宣令撰李師道請收魏徵宅還其子孫甚合朕
心允依來奏臣伏以魏徵太宗宰相盡心輔佐以致
太平在其子孫宜加優卹事關激勸合出朝廷師道
何人輒掠斯美伏願明勅有司特以官錢收贖以勸
忠臣憲宗深然之 燕翼貽謀錄云真宗景德二年
正月丙戌張公九齡九世孫元吉詣闕獻明皇墨跡
并張公寫真告身詔以爲招州文學 姜南云孔諤

曲阜人永樂中舉鄉試上以聖裔欲寵異之特賜進
士官左春坊中允賜宅一區命教皇太子諤師道嚴
正不阿 東觀奏記云上因讀元和實錄見故江西
按察使韋丹政事卓異問宰臣孰爲丹後宰臣周墀
奏臣近任江西觀察使見丹行事餘風遺愛至今在
人其子宙見任河陽觀察判官上曰速與好官持憲
者聞之奏爲侍御史 又裴諗爲學士一日加承旨
上幸翰林諗寓直便中謝上曰加官之喜不與妻子
相面得否便放卿歸諗蹈謝上以御盤果實賜之卽

以衫袖張而跪受上顧一宮嬪領下諭父度元和中
君臣魚水之分遂於諭恩禮亦異焉 宋史司馬池
以進士歷知諫院子司馬旦歷官十七轉至大中大
夫次卽司馬光旦之孫朴于靖康之阨朴嘗使二酋
間問家世朴具以告喜曰賢者之後也待之加禮
顏魯公撰宋璟碑記云公入子衡因謫居沙州叅佐
戎幕土番入寇陷于賊庭土番人數聞公名德曰衡
之父舊賢相也其可留乎大歷十一年以三百騎盡
室獲歸 朝野紀畧云蘇人范文從仲淹之的派也

洪武中拜御史忤旨下獄論死 太祖視獄案見姓
名籍貫遽呼問曰汝非范文正後人乎對曰臣仲淹
十二世孫也 太祖默然卽命左右取帛五方來御
筆大書先天下之憂而憂後天下之樂而樂二句在
上賜之諭免汝五次死人感上之仁而嘆賢者遺澤
之遠 梁江州刺史蕭秀初至州聞前刺史取陶潛
曾孫爲里司歎曰陶潛之德豈可不及後嗣耶卽日
辟爲西曹免徭役雜賦云 又宋史內云劉溫叟重
厚方正太宗在晉邸聞其清介遣吏遺錢五百千納

貯廳西舍中明年重午又送角黍統扇視西舍封識
宛然太宗曰我錢尚不用况他人乎雍熙初子照罷
觀察推官待選以貧詣登聞求注官及引對太宗問
誰氏子照以溫叟對太宗愀然以宰相語其事且曰
其父有清操錄子登朝庶足示勸擢太子右贊善大
夫而次子炳三子熿並進士及第熿子几歷任至秘
書監致仕後又詔詰太常定雅樂得謝放曠嵩少間
遇唐末異人靖長官得養生訣故益老不衰劉氏自
北齊中書侍郎環雋以下仕者相繼世牒俱存焉

鴈臣鳩婦

凡秋來春去者鴈也雨逐雌而晴呼雌者鳩也洛陽
伽藍記曰正光元年蠕蠕主來朝處之燕然館賜宅
歸德里凡北方酋長遣子入侍者常秋來春去避中
國之熱時人謂之鴈臣然而元君後亦避暑移蹕上
都秋冬還燕京亦未嘗無鴈意 晉穆帝昇平四年
匈奴劉衛辰遣降符秦請田內地春來秋返此則可
謂燕臣矣 宋書隱逸傳云朱百年會稽山陰人也
少有高情入會稽南山以伐樵採箬爲業置道頭輒

爲行人所取人知是朱隱士所賣須者隨其多少留
錢取樵箬而去或遇寒雪樵若不售輒自撐船送妻
還孔氏天晴復迎之則朱百年之妻豈不可謂之鳩
婦乎 洪武十年宋學士景濂乞骸骨歸華亭朱孟
辨紀其事作詩送之其三曰城上春雲暖更飛念卿
此地跡應稀臣身願作隨陽鴈一度秋來一度歸
聖祖一日携景濂步午門西城上顧謂曰卿來此跡
將稀矣可能再見否濂曰老臣身未就木當一歲一
來也此亦可比鴈臣矣 北史魏道武時其官名多

倣上古龍官鳥官謂諸曹之使爲鳧鴨取其飛之迅
疾也謂候官候察者爲白鷺取其延頸遠望也餘皆
倣此然則臣而謂之鴈何不可乎 元札木言于汪
罕曰我於君是白翎雀他人是鴻鴈耳白翎雀寒暑
常在北方鴻鴈則南飛就暖言已心堅他人不可保
也 洪武初慶王橈母余妃洪武十一年生二十四
年封慶陽二十六年徙常州建文二年移寧夏王文
皇令歲一至常州度夏宣德初上言寧夏卑濕水泉
甚惡乞仍居常州不許歲許一往來常州如 文皇

時此亦有鴈臣之意 墨莊漫錄云陳輔字輔之丹
陽人能詩荆公深愛之常訪建康楊驥留詩壁間云
北山松粉未飄花白下風輕麥脚斜身似舊時王謝
燕一年一度到君家荆公見之笑謂曰輔之罵君作
尋常百姓也此乃可稱燕友

功業忠節有後


張大齡支離漫語云淮陰信以族滅世皆云無後矣
而予會廣中人言曰予鄉有韋士官者自云淮陰侯
後當鐘室難作淮陰侯家有客匿其三歲兒知蕭何
素與侯知己不得已爲后所刦私往見之示侯無後
意相國仰天嘆曰冤哉淚滢滢下客見其誠以情告
何驚曰若能匿淮陰兒乎中國不可居矣急往南粵
我與趙佗善佗亦重淮陰必能保此兒遂作書遣客
匿兒於佗所佗養以爲子而封之海濱賜姓韋用韓

之半也今其族世豪于海壖有趙佗所賜之詔鄼侯
所遺之書勒鼎器云 唐書徐敬業傳貞元十七年
吐蕃陷麟州驅掠民畜而去至鹽州西橫槽峰番將
號徐舍人者環集漢俘于呼延州謂僧延素曰師勿
懼予漢五代孫也屬武氏斷喪王室吾祖建義不果
子孫流落絕域今三代矣雖代居職任掌握兵要然
思本之心無忘於國但族屬已多無由自拔耳此地
番漢交境放師還鄉解數千百人縛而遣之是敬業
身固逃而爲僧而子孫又將兵番中也漱石閒談云

李贊皇之南遷也卒於崖州子孫遂爲獠俗族亦有
數百人自相婚姻正德間吳人顧朝楚爲儋州同知
以事至崖州召而來見狀與獠種無異耳綴銀環索
垂至地言語亦不相通德裕誥命至今猶存宋史李
熙靖字子安晉陵人也乃德裕九世孫祖均父公弼
皆進士 王弇洲云方正學先生在圍城時以其幼
子托上海余氏友若伍胥之托王孫於鮑氏者遂冒
余姓其後人今爲南昌司訓有聲先生之鄉人諸生
葉君名琰刺得其狀業欲爲置田宅要司訓歸天台

奉先生祀而書以記其詳。應天府志云溧水人魏澤字彥思有學行洪武中歷官刑部尚書當文皇靖內難方正學先生被逮搜捕族黨甚急澤時謫寧海典史力爲周旋故方氏有遺育于世後經正學之宅爲詩以悼時人義之崇禎丁丑年間方氏有名振節者歸而爲台諸生方族之人擯之甚力督學使劉乾所夫子以爲正學先生真嫡毅然正之振節遂登己卯賢書未久謝世按淮陰贊皇爲大功業之人敬業正學爲大忠節之人天不絕其後宜矣但三人子姓

皆沉沒於獠蠻而方之子孫獨有兩支且詩書之澤不衰更足美耳。名勝志云嘉靖末潮州郡守葉元玉得陸秀夫遺譜於其裔孫陸大策處兵燹之餘僅存二葉又云墓在灣山青徑口又云公四子有曰繇者好漁獵被逐遂家于海濱島山及崖山之變秀夫盡驅妻子入海而此支僅存其後子孫散處郡境大策嘗訪其族人于海邊沙岡耆老引大策入左畔青麻園指其地曰此學士館遺址也其蓮花石礫約丈許天井階闌次第如故



南北士有定限

南方風氣柔弱而文秀較勝北方風氣剛勁而正直
 為優亦天地之氣限之不可強也故分南北卷取士
 其法為至公若就文藝以論而必以北士壓南士則
 非虛心平氣以論文者矣王氏揮塵錄云宋太宗朝
 天下混一每歲放榜所得率江南之秀其後又別立
 分數考核五路舉子以北人拙于詞令故優取及南
 渡後北路陷沒于金齊入選士惟江浙閩蜀於是吳
 潛又建議請分路取士以收淮襄之人物焉江隣幾

雜誌云寇萊公性自矜惡南人輕巧蕭貫當作狀元
萊公進曰南方下國不宜冠多士遂用蔡齊出院顧
同列曰又與中原奪得一狀元時準爲樞密使必奪
南之狀元以與北非所稱褊心者耶洪武年間以考
取南卷陳郊等過多以爲懷私而試官舉子俱受禍
抑又過矣宋史陳恕知貢舉自以洪人避嫌江南貢
士悉黜落此亦私心非公也然是科援貢舉非其人
之條取甚少而所取乃王曾爲首及廷試曾復得甲
科焉又晏殊七歲能文景德初張知白以神童薦帝

召至與進士千餘人並試廷中殊神氣不懾爲文援
筆立就帝賞之賜同進士出身宰相寇準曰殊江外
人帝顧曰張九齡非江外人耶然則寇萊公以方隅
限人之意見始終不化誰謂其野渡舟橫之句有休
休之度耶野客叢書云祖宗朝不用南人爲相僕
嘗求之古矣亦有是說南史齊高帝欲用張緒爲僕
射以問王儉儉曰緒少有佳譽誠美選矣南士由來
少居此職褚彥回曰儉少年或未諳耳江左用陸玩
顧和皆南人也儉曰江左衰政不可爲則宋武帝亦

常謂沈文季曰南士無僕射多歷年所文季曰南風不競非復一日可齊雜記云天順庚辰春廷試進士第一甲得王夔等三人後數日上召李賢諭曰永樂宣德中咸教養待用今科進士中可選人物正當者二十餘人爲庶吉士止選北方人不用南人南方若有似彭時者方選取賢出以語時時疑賢欲抑南人進北人故爲此語因應之曰立賢無方何分南北賢曰果上意也奈何已而內官牛玉復傳上命如前令內閣會吏部同選時對玉曰南方士人豈獨時比

優於時者亦甚多也玉笑曰且選來看是日賢與三人同詣吏部選得十五人南方止三人而江南惟張元禎得與云朝野記畧云正德戊辰康對山海同考會試場中擬高陵呂仲木柙爲第一而主者置之第六海忿言于朝曰仲木天下士也場中文卷無可與並者今乃以南北之私忘天下之公蔽賢之罪誰則當之會試若能屈矣能屈其廷試乎時內閣王躋之爲主考甚怨海焉及廷試呂果第一人又甚服之道山清話太祖常有言不用南人爲相國史皆載陶

穀開基萬年錄開寶史譜皆言之甚詳云太祖親寫南人不得坐吾此堂刻石政事堂上或云自王文穆大拜後吏輩故壞壁因移石于他處後寢不知所在既而王安石章惇相繼用事爲人竊去 通鑑宋真宗久欲相王欽若王旦曰臣見祖宗朝未嘗有南人當國者雖古稱立賢無方然須賢士乃可臣爲宰相不敢阻抑人此亦公議也乃止欽若入相欽若語人曰爲子明遲我十年作宰相

雪不爲瑞霧霜不爲毒

雪高一尺蝗蟲子下深一丈雪三尺則蝗子入三丈不復起矣故兆豐年凡麥得臘雪便成熟又臘雪水浸穀種則稻不畏旱此其所以稱瑞也而桂海虞衡志云自桂林而南至海北人不識雪或言數十年前嘗雪歲乃大災蓋地氣嘗煥植物柔脆忽得雪悉僵死是雪有時而不爲瑞矣霜霧俱毒物霜殺草木而周穆王時西王母貢嶠州甘霜甜雪仙藥有玄霜絳雪裴航詩云玄霜擣盡見雲英是也拾遺記員嶠山

名環丘有冰蠶以霜雪覆之然後作繭其采五色織
爲文錦入水不濡投火不燃堯時海人獻以爲黼黻
則霜固有不殺物而生物者矣霧乃陰陽之氣亂而
爲霧馬援曰下潦上霧毒氣薰蒸博物志王肅張衡
馬均俱冒重霧行一飲酒故無恙一飽食故病一空
腹故死且螭蛇乘霧凡山中蛇見霧莫不動躍是霧
之爲毒明甚乃蕎麥最喜霧若開花時大霧連朝則
收穫倍常曾南豐集云齊地寒甚夜如霧凝于木上
日出飄滿庭堦尤爲可愛遂作詩云園林初日淨無

風霧松花開樹樹同記得集英殿裏舞人齊插玉
籠髻齊地以爲豐年之兆諺云霜松如霧松窮漢備
飯甕又天中記云霧者金石之盈氣女仙天微子食
霧氣而成仙陶谷子妻云玄豹隱南山霧雨七日不
下食者何也欲以澤其衣毛而成其文章故藏以遠
害則霧又有不爲毒物而爲成物者矣 漁隱叢話
云宋熙寧六年甘露降進士徐上交松上濃厚如酒
其味甘香時有野人賣藥于市謂人曰吾嘗客華陰
民亦有以甘露降告縣者有道人笑曰如人身精液

流通周布于六七十年中若其壽短促則漏併于未
死之前矣此木蓋將稿耳縣令留其人試之果然
元和十四年四月淄青隕霜殺惡草及荆棘而不害
嘉穀則是霜乃爲瑞纂要云南海郡有茵毒草草上
露人觸之肉卽爛則是露乃爲災

竹實桂實萍實松實菊實芝實

凡草木先花後實其常也然亦有花而不實者如桂
菊之類是也亦有不花而實者如無花菓之類是也
若夫恒無有實而忽有其實爲考列數種于左 留
青日札云竹實色白故名曰練實神農云通神明輕
身益氣陶隱居云竹實出藍田若江東等處有花無
實頃來班班有寔狀如小麥堪可爲飯嘉靖二十年
昌化縣直長五十里徧山竹皆成穠而實春碎若米
而紫黑色炊之可食爲餅餌絕佳古人以爲荒年之

兆而昌化是年大豐余園中亦結實剝開甚清香其竹卽枯死恐非鸞鳳之所食也後見予陽山所生竹實大如鷄子竹葉層層包裹味甘勝蜜食之令人心曠清涼生山林深茂處日久汁枯乾而味尚存此應鸞鳳之所食也 該聞錄云江南餘干有竹實大如鷄子竹葉包裹與日札所言同 魏氏春秋曰阮籍少時常遊蘓門山其山有隱者莫知名姓有竹實斛杵白而已 博物志止斐山多竹長千仞鳳食其實去九疑萬八千里 拾遺記蓬萊山有浮筠之榦葉

青莖紫子如大珠有青鸞棲其上下 開元十七年睦州獻竹實 元李材解醒語云元閒閒真人常於帝前稱天台山多仙菓帝曰可致乎真人曰可取金盆覆之少頃有水晶李十枚鶴珠棗二十枚甘竹實四枚 贊寧筍譜云木竹生廣東一莖如萬歲藤一節長四丈無花而實實如草豆蔻土人鹽之以爲果餌 拾遺記閩河之北有紫桂成林其實如棗羣仙餌焉 韓衆採藥四言閩河之桂實大如棗得而食之後天

而老 天地運度經太山北有桂樹七十株天神青
腰玉女三千守之其實赤如橘人食之一年仙官迎
之常有九色飛鳳寶光珠雀飛集於此 洞冥記云
有遠飛鷄夕則還依人曉則遠飛西海嘗銜桂實歸
於南土本草圖經江東諸處每至四五月後常于衢
路拾得桂子大如狸豆破之辛香故老相傳是月中
落也北方獨無者非月路也又張君房爲錢塘令夜
宿月輪山寺僧報曰桂子下墮遽起望之紛如烟霧
回旋成穗散墜如牽牛子青白相間咀之無味則桂

子之落往往有之但人不識耳宋慈雲式公月桂詩
序云天聖丁卯秋八月十五夜月有穠華雲無纖迹
天降靈實其繁如雨其大如豆其圓如珠其色白者
黃者黑者殼如芡實味辛識者曰此月中桂子好事
者播種林中一種卽活又垂拱四年三月雨桂子于
台州旬餘乃止按今四季桂原自有子如蓮的但青
而不白與黃黑長而不圓如珠耳
宣聖所識楚王渡江得萍實乃大如彈丸黃如橘剖
而食之甘如蜜者也余知古渚宮故事云宋文帝爲

宜都王臨川人獻王萍實六子大者如升小者如鶴
卵圓而赤莫有識者問長史王華華曰此萍實也宣
尼所謂王者之應宋祚當卜年六百頃之宜都王卽
位祚終于六十年矣

江鄰幾雜誌云歙州黃山俞侍郎卽獻卿嘗與友人
肄業山中見松樹有大黃實拋石擊落一枚甚堅而
香俄落深澗中翼日再尋則失所在或云抱朴子所
謂招威食之可仙 至正二十一年明州松樹結實
其大有盈尺者

元虛子仙志云曹昊字太虛武林人也因慕淵明別
字元亮性愛種菊至秋無種不備一日早起見大黃
菊當心生一紅子漸大三日若櫻桃人皆不識有隣
女周少夫者年十六姿甚淑令月下同女伴來看竟
摘食之食已忽乘風飛去昊驚報其家父母姊妹向
天號哭初不反顧自首及足漸沒于青天之中已而
有老父至向菊拊掌嘆息曰我無緣哉何至之遲也
昊方問故忽變一老狐馳去數日後諸菊花盡死此
地方百里三年無菊昊始悟仙家所謂菊實者正此

物也 按癸辛後集朱斗山云凡菊之佳品俟其枯
斫取帶花枝置籬下至明年收燈後將肥膏地至二
月卽以枯花散之蓋花中自有細子俟其苗至社日
乃分種然則菊亦自有細寔特不能如櫻桃之大耳
抱朴子云珠芝其花黃其葉赤其寔如李而紫色二
十四枝輒相連而垂如貫珠也白符芝高四五尺似
梅常以大雪而花季冬而實朱芝九曲曲有三葉
葉有三實也

珍寶之樹

中庸以寶藏之興歸之于山夫蒙之以砂錮之以璞
然後精蘊潛蓄光彩溢發故非山不爲功矣然滇南
有寶井于闕有玉河則又在泉水之間况更有出於
山水之外寓于枝葉之間者所當詳考焉 三輔黃
圖云雲陽縣界多漢離宮有樹似槐而葉細土人謂
之玉樹楊子雲甘泉賦所謂玉樹青葱者也顏師古
則云武帝集衆寶而爲樹曰玉樹用以供神漢武故
事上起甲帳乙帳前庭種玉樹珊瑚爲枝碧玉爲葉

拾遺記須彌山有九層第六層有五色玉樹陰翳
五百里焉 淮南子云崑崙之上有木禾珠樹玉樹
瓊樹不死樹沙棠琅玕在其東絳樹在其南碧樹瑤
樹在其北 總龜云琅玕生南海石崖間狀如筍質
似玉列子云蓬萊之山琅玕之樹叢生 五嶽朝儀
云青城山洞周圍二千里昔洪崖先生服琅玕花隱
去代爲青城真人古云珊瑚琅玕海中之木也
熊太古冀越集予嘗見蛋人入海取得珠子樹數担
其樹狀如柳枝蚌生於樹不可上下樹生于石蛋人

鑿石得樹以求蚌甚可異也山海經云開明山北有
珠樹淮南子云曾城九重有珠樹在其西又有文玉
樹琅玕樹 山海經云三珠樹生赤水上爲樹如栢
葉皆爲珠 遊山記云于五臺清涼寺下山飲三珠
泉馨冽異常其沸正如珠狀去泉百步許觀七寶珠
樹高二丈許下爲一榦岐分七條上復拱合爲一然
後枝葉衍縱而下此猶漢宮之所爲玉樹以樹之珍
奇可貴而言非真有七寶與珠生于其間也
說林云河伯晏伯禹於河上獻宜土四時寶花珊瑚

樹五十株人間所無奇寶不可勝數禹悉不受惟受
河圖及大龜珊瑚兩株而行將珊瑚樹樹之於舜明
堂左右及禹受禪樹上五色氣光明燭天禹崩啓踐
祚四時花開如故及太康荒逸弗恤國政樹死 述
異記鬱林郡有珊瑚市海客市珊瑚處也珊瑚碧色
一株株數十枝枝間無葉大者高五六尺尤小者尺
餘鮫人云海上有珊瑚宮漢元封二年鬱林郡獻珊
瑚婦人帝命植于殿前謂之女珊瑚忽柯葉甚茂至
靈帝時樹死咸以爲漢室將衰之徵 蘓頌云珊瑚

生海底取珊瑚人先作鐵網沉水底珊瑚貫中而生
歲高二三只有枝無葉因絞網出之故難得完好者
漢積翠池中有珊瑚高一丈二尺一本三柯上有四
百六十三條云是南越王趙佗所獻夜有光趙佗謂
珊瑚爲火樹 宗奭曰珊瑚所生盤石上白如菌一
歲而黃二歲變赤枝榦交錯失時不取則腐蠹又云
五七株成林謂之珊瑚林

石桂芝生名山石穴枝條似桂樹實石也高尺許大
徑尺光明而味辛有枝條搗服一片得千歲李時珍


曰貴州普定分司署內有假山山間有樹根榦枝條皆石而中有葉如榴裊裊茂翠開花似桂微黃嘉靖丁未僉事熊希程賦詩記之以比康干斷松化石之事而不知其名此卽抱朴子所云石桂英耳海邊有石梅枝榦橫斜石栢葉如側栢亦是此類 名勝志云獲鹿縣有海山石栢在縣東北陰崖間脉理縱橫不類雕鑿天然翠栢枝葉悉具里人採之以爲玩又云普安進山四十里有玲瓏石樹二株一則綠榦紅花之桃一則青榦白花之李顏色絢妍有若初粧

此豈人巧能爲之耶 閩書霍童山辟支巖巖下寺辟支佛所棲辟支佛闍生佛也二月三日降生巖前生成五百天人石上生成石龜石桃能生能落 邵武府志勝云烏君山高二千一百餘丈其椒有二石高十餘丈形皆蒼黑鬪葉分枝狀如雙萼謂之雙石松陽縣卯山有怪石如樹之有枝葉 贊寧筍譜云木玄虛著四明山記云雪竇山北巖生石乳其峰非人可升有毛竹銀筍詳其毛竹自生毛筍若銀筍卽銀鑛如筍然如池州山穴曾有懸囚人下窺百餘

旬後見洞明煥遂手攀之得三數莖疑是此 洽聞
記云唐永昌中台州司馬孟詵奏臨海水工馮義得
石連理樹三株株皆白石天成 十洲記影娥池有
生金樹破之皮間有屑如金而色青亦名青金樹西
京雜記所載又有白銀樹黃銀樹焉 杜陽編云元
藏機大業初爲海使判官遇風飄於滄洲洲方千里
有良金池方數十里水石沙泥皆如金色有四足魚
金蓮花洲人研之如泥竹間彩繪光影煥燦與真金
無異但不能入火而已 山海圖贊文玉玕琪樹贊

云文玉玕琪方以類聚翠葉倚萎丹柯玲瓏玉光爭
煥彩艷火龍 服常琅玕樹贊云服常琅玕崑山奇
樹丹實朱離綠葉碧布三頭是伺遞望遞顧 吳孫
皓天璽中臨海郡吏伍曜在海水際得石樹高三尺
餘枝莖紫色詰曲靡麗有光彩 周南林纂要紫鉞
樹出真臘國呼爲勒佉亦出波斯國長一丈枝條鬱
茂葉似橘經冬而凋三月開花白色不結子天大霧
露及雨露濡其樹枝條卽出紫鉞波斯國使又沙利
深所說並同崑崙國者善波斯者次之 又淨土樹

在高陵縣南八里俗傳西域鳩摩羅什憇此而覆其
履土中遂生茲樹二月花如楊花八月結實如小栗
殼中皆黃玉



[Faint bleed-through text from the reverse side of the page, including characters like '大', '小', '栗', '殼']

